



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Nobili Viro Livbvldo Dvci Austriæ.

urn:nbn:de:hbz:466:1-20020



EPISTOLARVM
SIVE
REGESTORVM
INNOCENTII III.
ROMANI PONTIFICIS
LIBER VNDECIMVS.

NOBILI VIRO LIVBVLO DVCI AVSTRIAE.

Epist. I.
 De successu
 sua facta.

HXPERIMENTO didicimus quod verborum non fueris oblivious auditor quae volentibus ire post Dominum in evangelio proponuntur, cum religiosa mente recogitans quid retribus Domino pro omnibus quae retribuit ipse tibi, Christum, qui est usque ad mortem, mortem autem crucis, obediens pro te factus, humiliter imitari disponis, & pro ejus amore caram conjugem, dulcem prolem, delectabilem patriam, amabilem parentelam, divitias copiosas, ac mundanos relicturus honores, ut demum te ipsum cum carnalibus desiderii abnegando, liberius sequaris eundem, desideras, ut acceptimus, tollere crucem tuam, & illuc ubi tua salus in cruce peperit ardenti succingeris desiderio festinare, ut in crucis victoriosa vexillo te contra perfidorum conatus opponas, qui de crucis hereditate in parte jam expulisse videntur & in toto nituntur expellere crucifixum. Verè pium est hoc propositum & tibi cœlitus inspiratum. Intendis enim suscipiendo crucem

Tom. II.

reddere vicem Christo, qui tuos languores in ipsa pertulit, doloresque portavit. Verùm licet sit devotio satis magna, multum est tamen vicissitudo dissimilis: quia præter gratiæ differentiam quae videtur consistere in alterutro, si quod Dominus redemptor pro servo redempto pertulit, demum servus redemptus perferat pro Domino redemptore, inter crucis Christi patibulum & crucis tuæ signaculum valde refert, cum eti crucis una sit gloria, dispar tamen sit in te ac Domino ejus pena. Tu enim crucem mollem suscipes & suavem, ille asperam subivit & duram: tu eam in ipsis deferes superficie, ille in carnis pertulit veritate; tu ipsam affues tibi lineis filis aut sericis, ille in ea confixus est ferreis clavis & duris. Licet igitur, quantumcumque magnis & duris ob spem æternæ retributionis exponere te disponas, ad futuram gloriam quae revelabitur in te condigne non sint hujusmodi passiones, considerata tamen sinceritate tuæ devotionis, & urgentissima terra sanctæ necessitate perspecta, tuum propositum in Domino commendatum

S ij

140 Epistolarum Innocentij III.

mus, nobilitatem tuam in ipso Domino Iesu Christo rogantes & exhortantes attentius quatenus secundum spiritum suum bonum, quem ipse tibi noscitur infusisse, procedens ad ejusdem terrae succursum, in divinum obsequium, quid crastina paritura sit dies ignorans, te celeriter & prudenter accingas, & taliter, ipso coadjuvante, Dei servitum prosequaris, defensioni terra prædictæ studiosius intendendo, qua tuo & aliorum fidelium adjutorio, quasi posita in necessitate suprema, valde noscitur indigere, quod nec Deus tibi hoc propositum videatur in vacuum inspirare, nec tu pro eo mundi gloriam quasi omnem, qua præstabilis esse nosceris, reliquissime videris in vanum, sed secundum affectum hujusmodi pietatis consequatur in te plena perfectionis effectus. Nos enim juxta petitionem tuam vivificat crucis sigum, per dilectum filium Nicolaum Priorem sancti Johannis Cartusiensis ordinis tibi mittimus imponendum, indulgentiam quam petisti cum conservatoriis quoque litteris nihilominus destinantes. Datum Laterani vi. Kal. Martij, anno undecimo.

E I D E M.

*Epist. 2.
Suscepimus sub
protectione se-
dis apostolicae.*

Quod non immemor dominica passionis & tua redemptionis effectus vexillum salutiferæ crucis assimilere ac illi disponis pro defensione Ierozolymitanæ provinciæ militare qui reddidit semetipsum pro nobis oblationem & hostiam Deo in suavitatis odorem, devotionem tuam in Domino commendamus. Ut igitur te in pio proposito foveamus, prædecessorum nostrorum vestigijs inhærendo statuimus ut tam persona quam omnia bona tua pariter & familia, ex quo crucem acceperis, sub apostolice sedis & nostra necnon Archiepiscoporum & aliorum Praelatorum Ecclesiæ Dæi, in quorum diocesibus ipsa permanent, protectione consistant, & donec de tuo reditu vel obitu certissimè cognoscatur, integra maneat & quieta. Nulli ergo &c. nostræ constitutionis &c. Si quis autem &c. Datum ut in alia.

ABBATI ET CONVENTVI *Praemonstratenſi.*

*Epist. 3.
Abbatestenentur
congregationum suarum
negotia procurare
Cap. Edoceti.
De reſcripsiſ.*

EDoceri à nobis per vestras litteras postulasti utrum per litteras ad Abbatess vestri ordinis, nulla mentione habita de suis conventibus, impetratas, teneantur Abbatess ipsi super causis quæ ad conventus pertinent & eosdem de ipsis querelantibus respondere, ac licet appelle-

latio sit inhibita, per appellationis objec-
tum possint, ne respondeant, se tueri. Su-
per quo vobis duximus respondendum
quod idem Abbates, nisi alia causa ratio-
nabilis suffragetur, per appellationem se
tueri non possunt quod minus debeat
auctoritate litterarum hujusmodi legitimè
respondere, cum ex officio suo teneantur
Abbates congregationum suarum negotia
procure, nisi forte Abbatæ & conven-
tus negotia essent omnino discreta. Da-
tum Laterani i. v. Kal. Martij, anno un-
decimo.

ILLVSTRI REGI ARAGONVM.

EX speciali dilectionis affectu quo per-
sonam tuam & regnum Aragonense
diligimus provocamur ut non solum ad ea
qua tibi utilia sunt & illi tuam magnificen-
tiam exhortemur, verum etiam arguamus
eandem, si circa ipsa sollicitudinem non
adhibet quam oportet, cum tibi pater
simus in illo qui filium quem diligit cor-
rigit & castigat. Tua quidem regalis fere-
nitas non ignorat qualiter super negotio
matrimonij inter tuam sororem & carissi-
mum in Christo filium nostrum Frederi-
cum illustrem Regem Siciliæ consumman-
di, de quo jamdudum à sua fuerat habi-
tus genitrice tractatus, aliquando tecum
fuerimus viva voce locuti, ac sepe per
nostras te litteras exhortati. Sed licet in
succursum ipsius duas galeas noviter des-
tinari, de quo regalem prudentiam plu-
rimū in Domino commendamus, con-
firmationem tamen ejusdem facti, ex par-
te præfati Regis non sine studio nostræ
sollicitudinis acceptati, quantum à te de-
pendet, plusquam oportuerit & decuerit
distulisti. In quo profecto, cum pridem
illud non modicum visus fueris appetisse,
moram ingerere non deberes, cum præ-
ter id quod ex tali dilatione prægrandis
utilitatis compendium impeditur, de te
posther insultando referri: *Ecce homo qui ca-
pit, & non potuit consummare.* Ceterum ut
cum tuo pariter & pro tuo loquamur ho-
nore, quæ pigritia jam te detinet, quæ
segnities perfectionem tibi negotij tam
perutilis dissuaderet, ut passim opportuni-
tatis hodierna rem crastines, & processum
copulæ tam felicis usque futures? Porro
non est pro quo nuptis tam magnificis ul-
teriori tuam deceat superfedere sororem.
Præcellus enī est sponsus ejus, & titu-
lum Regis habens ex utero matris suæ.
Non claudicat generis sui nobilitas, sed
utroque pede firmiter subnixa procedens,

*Epist. 4.
Ut fortior
suam Regi Si-
ciliæ in mo-
remit.
Vida Suriæ
ad aa. 1108.*